

Communicaziun a las medias dal 3. da settember 2021

La BCG lantscha in fond ESG cun aczias europeicas

Il martgà d'aczias europeic porscha bleras schanzas. Cun lantschar il fond «GKB Aktien Europa ESG» permetta la BCG a las investidras ed als investiders da participar al success d'interpresas europeicas. En il fond selectescha la banca las interpresas europeicas las pli attractivas.

Per tscherner las interpresas dal nov fond sa basa la banca sin ses agen model che resguarda differents facturs e tegna a medem temp quint d'aspects qualitativs e quantitativs sco era da criteris che garanteschin in svilup durabel. Ils pli impurtants criteris èn la qualitat, la valitaziun, il momentum dal curs ed il rating ESG da l'interpresa. La banca enchamina uschia vinavant sia via cumprovada, sco quai che mussa il svilup dal fond lantschà il 2017 cun il num «GKB (CH) Aktien Welt ESG». Quel survegn sin fundament da sia prestaziun 5 stailas en il rating da Morningstar.

«La tscherna activa d'interpresas europeicas permetta da crear in portfolio optimal en vista a las schanzas e sfidas futuras», declera Adrian Schneider, manader dal Center d'investiziuns da la BCG. En l'Europa s'augmenta cuntinuadamain la quota d'interpresas activas en secturs cun ina ferma creschientscha sco la tecnologia, ed en connex cun las energias regenerablas gioga l'Europa schizunt ina rolla da precursura.

Ils avantatgs dal fond d'aczias Europa ESG da la BCG

- access ad in martgà attractiv cun ulteriur potenzial da creschientscha
- portfolio d'aczias administrà a moda activa cun las 20 fin 40 interpresas europeicas las pli attractivas
- investiziun en interpresas persistentas cun in'auta profitabilitad

Ulteriuras infurmaziuns sin gkb.ch/aktieneuropa.

La strategia da la BCG per in svilup durabel

La strategia da la BCG per in svilup durabel è d'utilisar ils criteris ESG per definir l'univers d'investiziuns e da resguardar las schanzas ed ils ristgs da quels sco infurmaziuns complementaras per giuditgar in'investiziun e crear in portfolio. Per tscherner las aczias resguarda la banca ultra dals indicaturs fundamentals e tecnicos er aspects che pertutgan l'ambient, ils fatgs socials e la gestiun d'interpresas. Ella excluda per exempel interpresas che han in connex cun armas cuntraversas u cun violaziuns dals principis dal Global Compact da las Naziuns unidas.

Il nov fond «GKB (LU) Aktien Europa ESG» vegn lantschà ils 16 da settember 2021. Fin ils 31-12-2021 po el vegnir segnà senza cumissiun d'emissiun. Cun il fond d'aczias europeicas dumbra la paletta da la BCG da nov 11 fonds che reuneschan ensemen var 2.8 milliardas francs.

Ulteriuras infurmaziuns sin gkb.ch/nachhaltiganlegen.

Contact:

Thomas Müller, thom.mueller@gkb.ch, telefon +41 81 256 83 11

Daniel Daester, daniel.daester@gkb.ch, telefon +41 81 256 88 01

Banca Chantunala Grischuna, Medias & Investor Relations, chascha postala, 7001 Cuir
medien@gkb.ch / gkb.ch/medien

Banca Chantunala Grischuna.

La Banca Chantunala Grischuna porscha tut quai ch'i dovra per ina banca universal moderna – per persunas privatas, l'economia ed il maun public. L'interpresa cun sedia principala a Cuir è represchentada en 47 lieus en il Grischun. Cun var 1'000 collavuraturas e collavuratur è la BCG ina da las pli grondas patronas en il chantun. Sia attaschadadad cun il Grischun s'exprima en sustegns multifars. Sper sias activitads economicas s'engascha ella cun ses sponsoradis, ses fond da contribuziuns e sias purschidas per lavur voluntara. La BCG dispona da participaziuns da maioritad a la Banca privata Bellerive AG a Turitg ed a l'Albin Kistler AG a Turitg. Il scrit da participaziun BCG è quòta a la bursa dapi il 1985.

Termins:

Quint annual 2021:

favrer 2022

Radunanza dals participants:

23 d'avrigl 2022